

## Nato Yonisyani Ginkakle Tenyapachro Pirana

Wa malaa wane wetyatkalo muchikawa maklojiwano ga wa maklojiwanwa Gana Mariya wa nshicho, mturunewanwa xani, Mikili, wane psotkalu ga wa suxni ga wa Wilipkoxa.

Giyagni wa muchikawa wjemjenatlu rungi-matanu satu, tengima yapanu wa yineru. Kamejgimaplu ga wa ksapatotgimaplu chinka, wa muchikawa wjemanru wa Panchoni wpatrotni ginkakletawakletlu. Waneko pixka gima rixanu yinerupa. Kameji gimamnuplu; ksapatotgimaplu ga wa gewi gima twanu wa makina. Ga wa wane gima rixa gijrukletanu Goyakalu pagognepa rujrukingimapa: kamejgimamnuplu ga wa ksapatotgimaplu.

Giyagni wa malaa Kontamana malpotuu, klujta Ginawaya, walenwa pokchi giwaka Ginawaya, wane rushpakgapgatywa wa Kachiyako, gaga wane wjemyatkalo wa tenyapachro.

Giyagni wtuplanata Gana, gita, mturune. Wixapjeni. Ga wa klu knagataanalulu wa Kachi-

## Chonki Gijrukinri Pirana

Muchikawa tye ginapni ga wa gawla pasto sana rutakamtwuna Gwacha. Waka wgirukotana-ta. Wane yayixanatyanatka wa nganurni. Gi yayixanatawa. Kiglenanuwalu, kanawatewatawa. Kanawa kamruta. Wala kamruprikanata. Katutunatlo. Kigleru.

Giyagni gitkoxa nujrukamtatka. Chiji nyatka. Nuxirikanutkalo wa serolo. Wane tuplanata kanawatyegi. Giyagni palnamtakta-tka wale pshinitsonu. Gi nushingataplu. Makta gawaka sretakta yatka. Natjirni gisanatesha wane twa najirni gitakle kaynuto. Wala gima retanatka. Wala gima jirgiylo mapa sangima jijrukatka. Porsikgimatatkalo.

Wane pnutgimapmakatka sato jijrukannitka. Wanekta rujrukyanatka. Ruskitgayegimtana. Paplu gimamka rushatkapamtni. Wale koxgima giskitgamta. Wane pnutgimatka gi gima rushinikamtnanatkawa. Ganikajgetko rapokamtanatka, rupnagimamtanatka. Gi gima rushinika. Gipnachrigetkogimni chiji gapokana.

Gi Rixyawaka Ksajipkota-  
ptajitaa Rixgojitana Ksuru

Wane gima tixatnaka Klana giwakatleta-  
chro muchikawa. Psolgognegimako giglewata-  
chroni wa Klana. Klatpotgimlo. Gojiwutspo-  
tgimlo. Giyaagimatvani pakata nso tujgapa.  
Tukshikgimatlu wa nso. Ga wa ratskogimatya-  
lona. Wale gima tanika. Kojitgima tutji-  
tyalu. Wale gima tyotskogata gimatuyma.  
Gi wa gimatpotni, kajpa gimatu. Waneklu gi-  
ma wale ksaji chicha rixinitka, wale gima  
tyonaksujetnatkawa. Togoigima tyonata. To-  
kankakgima tyonata, tomyonota. Wane gima  
rapoka wa ksuru. Kojwakgimatlo.

--Gitkoxni pyonatanu --chingimata. Wa  
yonawatachro gimako kojwakni.

Giyaagimatvani tama kojwaakotkoklunu-  
tka, wane gima wa gike mumatkato pixka gima  
tixa. Pasretgimako tyigata. Giyaagimni  
tkashichlu wa nso chicha. Ga gi gima tyo-  
pukgatanru wa kurni. Gi gima rumatgojre-  
watana. Giyaagimni reknokannitnaka yanuma-

Gepi gogne nachi weta. Tsrupotni nachi weta-nru. Tukaa klujta Puyga chinikowaka, wane kapayo jirgiya noturu. Wala wnika. Tsotsota wnikpotuta kapayo. Wane wushpakamtyatka, gewi wapokatka. Wupnanshinikanpotutana nachi gewi wapokini. Tukaa wushpakamtyatka nachshimanwu ga wa yoptotatkawuna gewi giyakatyachinekta. Serolgakta ranikna. Wane wuryatkalo serolga. Nachpotwu. Waneko rutukatkana nepuru gituruyma. Ga wa nganuru, wa noturu mturu wanikatka wixa.

Wane yatnaka noturu. Rawamtatkana. Wane gima rawapyatkalona pekepeketka. Makgimakta pasajruklepje twanatmaka. Wane rawapyatkalona. Runkikolkoxa rukshikamtatkana. Jrachrataa tixakta. Wanekta rawamtyatkalona. Gigraga yamta, npalikleru psoluko jrapotu. Kwamonpotlu. Kashrikta runkikana. Satumka galikaka kamakanshinikanutatkalu. Rujrukamtatka mayicho. Nushingatatkalu ga wa wane nutslatya gita:

--ige, ge, ge, ge! --nchina. Ga wa wane pnute chichiksu nutjita. Kartochu nutjita,

noyavgimamnutkalu wa tkachi, wale koxgima gemenanumnutka wa rurna tkachi. Gemetaa rixgimatatka psotsotaaji. Tenogimananumnuru ratskogimananumta wa tkachi, wa ratskogimananumta wa xani pixka, ratskogetkogimananumta. Raali gemnugimananumta. Gemetaa rixgimananumta.

Giyaagimni, tumanangima yokgitatka. Ganikaji gima potunanuko wa potukamyogimatkalu gike gimako ginkata gemnutatkalu wa tkachi chinkaluru. Ganikajgima tuplata. Rawrawragimata. Rawrawragimatatka waneklu. Kayitgimananumtatnaka, kayitaa yokgirgimananumtatnaka wa tkachitnaka. Waneklu gima rusalonkananumtatnaka wa gemeru. Gi gima gempotutnaklu. Gi gima gempotuyaklu. Gemgimamnaklu, gi gima gempotlu. Waneklu gima, kayi rixinitka, rutuka tuk-gixlegimatatnaka. Wane pnutgima gi gemetkalu. Kayitka, mapshangimatkalu.

Wane gima rixananumta pagognemnunanuka. Wajriyeglewgitatanna klatatalune. Tumananpo-

## Mankowa Pirana

Wa mankowa piranachi nunkakletanu.

Wa Kayawo wane nwiya wa psotsotaaji wa chiji pkotaaji waneyno. Wane koxlu wa wupji tsotaaji. Wane nwiya wa mankowa wa yokaakaluru gepi muna gwajetachri pawalapumnu. Makakta wa xani gi wa wane nwatka. Kashiwo nwa wa xani. Giyagni wa pimrinemka wane gwa, seyni gi wa girukotluna wa wanna. Makakta wanestsi gwachine wa satu jeji wale gimakta jirgajetlu wa rushankanrupa. Rushankasagitanrupa wa mankowa.

Giyaagimni wa nepuro paprikgima wa tushpaka goyechnokawpotuko, tetgimatlu wa mankowaplu gima komyepluu rixjegimata. Ga wa paprikgimni tetatnaklu. Giyaagimni: Mankowa getko jirgajeta wa tujra --chingimata, --nyegwaklo mankowate --chingimata.

Giyaagimni paprikatnaka tetatnaklu.  
Tunkakatkaloo sato nepuro:

--Wa tujra mankowa gixonanru, seyni xa-